

武夷升堂

門人煙壺葉古熙等錄

此一瓣香混沌未判前萌芽龍漢新元初枝葉無陰陽地龍盤  
虎踞得乾坤外雨洒風吹崑崙山上蕊不花華池水邊樹無影  
濃烟非色薰透太清頂門瑞靄無聲化入元始鼻孔持起則妖  
魔膽碎焚時則籟動風鳴方知道釋迦親手栽培孔子無心採  
取全太極未分之氣乃虛空不死之根燕向爐中恭爲

先聖先師出言吐氣上祝

一人有慶萬國咸甯六府孔修百揆時敘遍天地皆是大羅聖  
境盡山川同作玄都玉京莫有學道真人知常高士疑團未剖

道藏輯要

白真人語錄

辛

婁集七

智鎖未開凡聖同共一隻眼看賢愚共開三寸舌問所謂是列  
三玄戈甲布八極弓牙見義若不爲夫何勇之有

天谷問曰大道本無名因甚有鉛汞師答曰顯無形之形者大  
道之龍虎露無名之名者大道之鉛汞復問曰五金之內鉛中  
取銀八石之中砂中取汞修鍊內丹如何答云鉛中之銀砂中  
汞身內之心陰與陽

雪巖問曰藥物有浮沈清濁火候有抽添進退運用在主賓生  
旺在刑德此理如何師答曰終日採大藥何處辨浮沈終日行  
火候誰人知進退五行全處無生剋四象和時不主賓

復問曰前弦後弦金數水數二八十六爲一斤藥何方採取何

地烹鍊

答云前弦金數後弦水數採得一斤烹一斤

谿翁問曰師指所授本是大道弟子所傳又學金丹未審大道與金丹是同是別

師答曰渡河須是筏到岸不須船

復問曰金丹之學在乎藥物爲先藥物之用在乎火候爲要何者爲藥物何者爲火候

師答云藥物陽內陰火候陰內陽會得陰陽旨火藥一處詳

孤菴問曰真鉛真汞真虎真龍不知是何物丁公黃婆姪女嬰兒不知作何用

道藏輯要

白真人語錄

三

婁集七  
川上

師答曰會得本來三三一不會依前一二三

復問曰鉛本屬北何曰金鉛汞本屬南何曰木汞

答曰女子著青衣郎君披素練

篠泉問曰龍吟虎嘯既非口鼻之間夫唱婦隨不在心腎之內汞既非離鉛既非坎兌不爲虎震不爲龍正在迷途願求丹訣師答云坎離謾想心和腎震兌休尋肺與肝了得陰陽兩箇字天然夫婦虎龍盤

復問曰唾涕精津氣血液鍾離言是屬陰涕唾精血腦氣神王鼎汞爲七返未審此理如何解會答云鑿石方逢玉

默菴問曰金丹未成如何是有龍虎金丹已成如何是無龍虎

師答云始於有物無人識及至無形有處知

復問曰滿堂渾是客誰是主人翁

答曰一字兩字重千聖擔不起

煙壺問曰金丹之道在易則乾坤坎離在天則斗箕日月在丹則龍虎水火在藥則鉛銀砂汞在人則夫婦男女不過曰陰陽二字愚已知之矣所謂太極真土此爲何義

師答云千峰勢到嶽邊止萬派聲歸海上消

紺雲問曰夫欲鍊金丹者須洞曉陰陽深明造化方能追二氣於黃道會三性於元宮攢簇五行合和四象如何是金丹之旨師答云金者天發殺機丹者虛中有象

道藏輯要

白真人語錄

三

婁集七  
川六川

復問曰大道本無物如何可譬喻答曰談河難濟渴

復問曰大道本一理如何有分別答云畫餅不充飢

復問曰何謂是似玉在石未曾開今日忽然光爍爍答云清風與明月凡聖盡沾恩

持綱云

大道無形大丹無色動中靜靜中動動靜如如無內有有內無有無默默會得則本無迷悟不會則自有聖凡所以魏伯陽之河上姹女許旌陽之水上鐵丹鍾離權之金液還丹劉海蟾之玉華真水如是則月圓月缺不離水雲去雲來何礙天

結座云